



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1635. usque ad annum 1643

Fleury, Claude

August. Vind. [u.a.], 1779

VD18 9011888X

§. 34. Cæsarei in Westphalia ab Hassis, Suecisque profligati.

[urn:nbn:de:hbz:466:1-67406](#)

Sæc. XVII. nequidem apparenter sibi repugnare,
A. C. 1641. sed D. Paulum loqui de operibus legis
 Mosaicæ, requirere autem ad justificationem, legem fidei Christianæ, seu
 operibus vivæ & perfectæ, uti habetur
 cap. 12. ad Rom. & præscribitur Jacob.
 cap. 2. Joannis epist. tota & in Acto
 Apost. cap. 10. & v. 4. VI. Joannes
 Corbet acuit calamum suum contra re-
 belles, qui aduersus Carolum I. An-
 gliæ Regem conventioni seu foederi sub-
 scripsérunt: propterea tamen in Hiber-
 niā profugere coactus, ibidem capite
 plexus est. VII. Jacobus Herrenschmid
 edidit osculogiam Theologicam, Amo-
 rem crucifixum, Dissertationem de
 Bacchanalibus, Postillam Neo-Sym-
 bolicam, Jubilæum I. Augustanæ Con-
 fessionis, Passionis Dominicæ Viola-
 rium, & de absurditatibus in Reliquia-
 rum cultu. VIII. Elias Schedius edi-
 dit librum de Diis Germanis seu vete-
 rum Germanorum, Gallorum, Britan-
 orum, & Vandalorum Religione.

§. XXIV.
*Cæsarei in Westphalia ab Hassis, Su-
 cisque profligati.*

Adlcr. An- Insequens annus, qui erat hujus sæ-
 nat. Boie. culi quadragesimus secundus, ple-
 part. 3. l. 27. rumque Catholicis, Cæfareisque intau-
 Brachel. hist. fuis
 temp. 1. 6.

stus fluxerat; postquam enim Gallo-
Vinarienses, ductore Gebriando, ad
Wesalam, Batavis transitum conce-
dentibus, Rhenum trajecerant, mox
Halis conjuncti in agrum Colonensem
cum toto exercitu infesti sese effude-
runt. Cognito periculo Elector Colo-
niensis Hatzfeldium ex superiore Ger-
mania, Lamboium vero e Belgio cum
suis copiis confestim evocavit. Substi-
terat tum Lamboius prope Kempenam
in castris suis oppido munitis, nil ho-
stile ea ex parte veritus, cum Vinarien-
ses die decima septima Januarii hora
diei undecima illum aggrediuntur: nun-
tiatur Lamboio, Sueco - Gallos jam
esse in propinquo, hic vero improviso
hostis contemptu prandium suum, quod
eadem hora sumperat, absolvit, jussis
duntaxat legionibus, ut si quæ vis im-
mineret, paratæ essent: Jamjam hostis
vicinum campum, ordinibus ad pugnam
instructis occupat, valloque imminet,
jamque tempus instat, nec Cæsareus
tamen miles injussu Ducis arma capere,
aut in ordines ire audebat: denuo ad-
monitus Lamboius tandem cum dua-
bus legionibus, Equitumque agmine
festinus accurrit, & Gebriandum pri-
mo impetu a limitaneo aggere repellit;
cum autem reliquus Lamboii miles huc
illucque sparsus, incompositusque tam

Qq 2 subito

Sæc. XVII. subito in aciem disponi haud posset,
A. C. 1642. quin Gebriandus varias munitiones,
aggeresque superasset, aperto interea
aditu Vinarienses Hassique cum omni
exercitus robore Lamboianos aggre-
diuntur, eosque, et si ad duas prope
horas ancipiti victoria pugnassent, tan-
dem vi ac numero suorum obruunt, at-
que in fugam agunt: Occubere ex
Cæfareis in acie bis mille quingenti,
ceteri ferme omnes vel in fuga cæsi,
vel ad signa Gallo - Suecica coacti:
capti fuerunt quater mille, atque inter
eos ipse Lamboius, & Mercius, præ-
ter Tribunorum potissimos. Insuper
centum & octo pedestria, necnon quin-
quaginta octo equestria vexilla cum
omnibus sarcinis, sexque belli tormen-
tis Victori in prædam, & victoræ
triumphum cessere. Vinarienses vero
prosequendæ victoriæ intenti, Kempe-
na urbe & arce expugnatis, Novesium
post octo dierum oppugnationem, alias-
que Ubiorum inferiorum arcis, & op-
pida subegerunt. Hæsit tamen rapi-
dus Victorum cursus apud Lechenium,
ignobile quidem, strenui tamen militis
præsidio munitum oppidum; quod Gal-
lo - Vinarienses non sine luculenta suo-
rum strage per aliquot hebdomadas ve-
hementer, incassum tamen, obsederant,
tandemque a Bavarо - Cæfareis ducha-

Comi-

Comitum Hatzfeldii & Wahlii repulsi ob- Sæc. XVII.
fitionem solvere coacti, in sua apud Or- A.C. 1642.
dingam castra reverti compellebantur.

Hanc ignominiam ulturus Gebriandus,
plurimos circum pagos injecto igne
exussit. Sub idem ferme tempus
Joannes Werthius supremus Bavarii
equitatus Bellidux, qui ex Gallica ca-
ptivitate ad Cæsaris castra Zonsæ po-
sita reversus erat, prope Botbergam
Gallo-Vinarienses pabulatores ingenti
clade protrivit; cum vero postremum
hostis fugientis agmen iterato furore
lacefferet, ab iisdem circumventus,
cæsis suorum non paucis, ægre cum
reliquis elapsus est: magis tamen se-
unda forte in crebris velitationibus
Cæsarei contra Suecos dimicabant.

§. XXXV.

*Varii pacis tractatus suo successu
frustrati.*

Adhuc plurium Principum Oratores *Barre Hist.*
de componenda Palatinorum caussa *d' Allem.*
Viennæ consultabant, cum Rowæus *tom. 9.*

Angliæ Regis Legatus, & Palatini Ora-
tores de componendo hoc dissidio actum
fore declararent, nisi præter Electora-
lem dignitatem uterque Palatinatus
integer restitueretur. Horum petitioni
haud difficilem sese exhibuit Maximi-
lianus

Qq 3